

五行志第七下之上

漢書二十七

漢

護

軍

班

撰

唐議奏行秘書監張鷟國學顏

師古

集註

傳曰思心之不睿是謂不聖厥咎霽

師古曰霽

音莫豆反。劉氏校本云。監本越本思下無心字。

厥罰怕風厥極凶短

折時則有脂夜之妖時則有華孽時則有

牛禍時則有心腹之病時則有黃雀黃祥

時則有金木水火沴土思心之不睿是謂不



聖思心者心思慮也睿寬也孔子曰居上不

寬吾何以觀之哉師古曰論語載孔子之言言上不寬大

包容臣下則不能居聖位貌言視聽以心

為主四者皆失則區霧無識師古曰區音口豆反霧音莫豆

反其下並同故其咎霧也雨旱寒奧亦以風為本

師古曰奧音於六反四氣皆亂故其罰常風也常風傷

物故其極凶短折也傷人曰凶禽獸曰短

五行志

少木曰折師古曰少古草字一曰凶夭也兄喪弟曰

短父喪子曰折在人腹中肥而包裹心者

脂也心區霧則冥晦故有脂夜之妖師古曰脂妖及

夜妖一曰有脂物而夜為妖若脂水夜汗人

衣淫之象也一曰夜妖者雲風並起而杳

冥故與常風同象也溫而風則生螟螣師古

曰螣音徒得反有裸蟲之孽師古曰裸亦羸字也從衣果聲劉向以

為於易巽為風為木卦在三月四月繼陽

而治主木之華實風氣盛至秋冬木復華

故有華孽一曰地氣盛則秋冬復華一曰
華者色也土為內事為女孽也於易坤為
土為牛牛大心而不能思慮○劉氏校本云監本牛大而心不能
思慮思心氣毀故有牛禍一曰牛多死及為
怪亦是也及人則多病心腹者故有心腹
之病土色黃故有黃青黃祥凡思心傷者
病土氣土氣病則金木水火沴之故曰時
則有金木水火沴土不言惟而獨曰時則

五行志一

有者非一衝氣所沴明其異大也其極曰

凶短折順之其福曰考終命師古曰壽考而終其命劉

歆思心傳曰時則有羸蟲之孽謂螟螣之

屬也庶徵之常風○宋祁曰也庶二字當刪劉向以為春

秋無其應釐公十六年正月六鵠退蜚異

宋都師古曰鵠音五狄反左氏傳曰風也劉歆以為

風發於它所至宋而高鵠高蜚而逢之則

退經以見者為文故記退蜚傳以實應著

言風常風之罰也象宋襄公區霧自用不
容臣下逆司馬子魚之諫而與彊楚爭盟
師古曰子魚公子目夷也桓公之子而為司馬爭盟謂
為鹿上之盟以求諸侯於楚子魚諫曰小國爭盟禍也
公不聽之後六年為楚所執師古曰僖二十一年楚執宋
公以伐宋距六鵠退飛凡六
年應六鵠之數云京房易傳曰潛龍勿用師古
曰乾初九爻辭眾逆同志至德迺潛厥異風其風
也行不解物不長師古曰不解物謂物逢之而
不解散也不長所起者近也雨
小而傷政悖德隱茲謂亂厥風先風不雨

五行志

大風暴起發屋折木守義不進茲謂毫厥

風與雲俱起折五穀莖臣易上政茲謂不順

厥風大焱發屋師古曰焱疾風也音必遙反賦斂不理茲

謂禍厥風絕經紀如淳曰有所破壞絕匹帛之屬
也晉灼曰南北為經東西為緯

絲因風暴亂不端理也止即溫溫即蟲戾專封茲謂不

統厥風疾而樹不搖穀不成碎不思道利

茲謂無澤師古曰道讀曰導不思
導示於下而安利之厥風不搖木

旱無雲傷禾八公常於利茲謂亂師古曰八公上
爵也常於利

謂心常求利也厥風微而温生蟲蝗害五穀棄正
作淫茲謂惑厥風温螟蟲起害有益人之
人文帝二年六月淮南王都壽春大風毀
民室殺人劉向以為是歲南越反攻淮南
邊淮南王長破之後年入朝殺漢故丞相
辟陽侯上赦之歸聚姦人謀逆亂自稱東
帝見異不寤後遷于蜀道死癰文帝五年

五行志

吳暴風雨壞城官府民室時吳王濞謀為
逆亂天戒數見終不改寤後卒誅滅五年
十月楚王都彭城大風從東南來毀市門
殺人是月王戊初嗣立後坐淫削國與吳
王謀反刑僇諫者師古曰謂楚相張敖尚太傅趙
夷吾也僇古戮字下皆類此吳
在楚東南天戒若曰勿與吳為惡將敗市
朝王戊不寤卒隨吳亡昭帝元鳳元年燕
王都薊大風雨師古曰薊縣名
燕國之所都拔宮中樹七

五行志

師古曰薊縣名燕國之所都

拔宮中樹七

圍以上十六枚壞城樓燕王旦不寤謀反

發覺卒伏其辜釐公十五年九月己卯晦

震夷伯之廟師古曰夷伯司空無駭之後本魯公族也號展氏劉向以為

晦冥也震雷也夷伯世大夫正書雷其廟

獨冥師古曰冥暗也天戒若曰勿使大夫世官將

專事晦明年公子季友卒果世官師古曰謂季友

之孫行父仍執政專國自此以後常為卿政在季氏至成公十六年

六月甲午晦正晝皆冥陰為陽臣制君也

五行志

成公不寤其冬季氏殺公子偃師古曰為季文子所殺也

已解於上季氏萌於釐公師古曰萌喻草木胎生也言其始有威權大於

成公此其應也董仲舒以為夷伯季氏之

孚也師古曰孚信也所信任之臣也陪臣不當有廟震者雷

也晦冥雷擊其廟明當絕去僭差之類也

向又以為此皆所謂夜妖者也劉歆以為

春秋及朔言朔及晦言晦人道所不及則

天震之展氏有隱慝故天加誅於其祖夷

伯之廟以謹告之也成公十六年六月甲午晦晉侯及楚子鄭伯戰于鄢陵皆月晦云隱公五年秋螟董仲舒劉向以為時公觀漁于棠貪利之應也師古曰棠魯地也陳漁者之事而觀之也劉歆以為又逆臧釐伯之諫師古曰臧信伯公子貪利區霭以生羸蟲之孽也八年九月螟時鄭伯以邴將易許曰師古曰邴祀泰山之邑也音彼命反已解於有貪利心京房易傳曰臣安祿茲謂貪

五行志

厥灾蟲食根德無常茲謂煩蟲食葉木

絀無德蟲食本與東作爭茲謂不時師古曰奪農時

也蟲食節蔽惡生孽蟲食心師古曰蔽謂惡人蔽君之明為灾孽

也嚴公六年秋螟董仲舒劉向以為先是

衛侯朔出奔齊齊侯會諸侯納朔師古曰朔謂惠公也

相十六年以左公子淵右公子職立公子黔年故惠公奔齊至莊五年會齊人宋人蔡人伐衛而納惠公也

許諸侯賂齊人歸衛寶魯受之師古曰師國各有賂

曰以伐衛所獲之寶來歸魯貪利應也文帝後六年秋螟

是歲匈奴大入上郡雲中燒火通長安遣

三將軍屯邊三將軍屯京師師古曰並宣已解於上

公三年郊牛之口傷改卜牛牛死劉向以

為近牛禍也是時宣公與公子遂謀共殺

子赤而立師古曰已解於上也又以喪娶師古曰宣元年正月公子遂如齊逆

女三月遂以夫人婦姜至自齊時成公喪制未除區霽氏亂亂成於口

幸有季文子得免於禍天猶惡之生則不

饗其祀師古曰謂郊牛傷死是天不欲饗其祀死則必燔其廟師古

五行志

曰成三年新宮災新宮者宣之廟也以其新成故謂之新宮董仲舒指略同秦

孝文王五年游胸衍有獻五足牛者師古曰胸衍地名在北海

音許于反劉向以為近牛禍也先是文惠

王初都咸陽廣大宮室南臨渭北臨涇思

心失逆土氣足者止也戒秦建止奢秦將

致危亡如傳曰建立基止秦奢秦秦遂不改至於離宮三

百復起阿房未成而亡一曰牛以力為人

用足所以行也其後秦大用民力轉輸起

負海至北邊

師古曰負海猶言背海也

天下叛之京房易

傳曰興繇役奪民時厥妖牛生五足景帝

中六年梁孝王田北山有獻牛足上出背

上劉向以為近牛禍先是孝王驕奢起苑

方三百里宮館閣道相連三十餘里納於

邪臣羊勝之計欲求為漢嗣刺殺議臣爰

盜事發負斧歸死既退歸國猶有恨心內

則思慮霽亂外則土功過制故牛既作足

五行志

而出於背下奸上之象也

師古曰奸犯也音干猶不能

自解發疾暴死又凶短之極也左氏傳昭

公二十一年春周景王將鑄無射鍾

師古曰鍾聲中

無射之律也射音弋石反

泠州鳩曰

應劭曰泠官也州鳩名也師古曰樂官曰泠後遂以為氏

泠音零其字從水

王其以心疾死乎夫天子省風以

以作樂

應劭曰風土地風俗也省中和之風以作樂然後可移惡風易惡俗也臣瓚曰省風俗之

流遁作樂以救其敝也師古曰應說是也省觀也

小者不窳大者不擻

窳音宅堯反擻音胡化反

擻則不容心是以

感感實生疾今鍾擻矣王心弗成康告曰或古撰字

其能父乎劉向以為是時景王好聽淫聲

適庶不明師古曰適讀曰嫡謂太子壽卒王立子猛為嗣後又欲立子朝也思心

霧亂明年以心疾崩近心腹之病凶短之

極者也昭二十五年春魯叔孫昭子聘于

宋元公與燕飲酒樂語相泣也師古曰昭子叔孫婁也元

公宋平公子也相泣相對而俱泣也樂祁佐師古曰樂祁宋司城子梁也佐佐酒告人

曰今茲君與叔孫其皆死乎吾聞之哀樂

五行志

而樂哀皆喪心也師古曰哀樂可樂而反哀也樂哀可哀而反樂也喪失之也

心之精爽是謂魂魄魂魄去之何以能久

冬十月叔孫昭子死十一月宋元公卒昭

帝元鳳元年九月燕有黃鼠銜其尾舞王

宮端門中往視之鼠舞如故王使夫人以

酒脯祠鼠舞不休夜死黃祥也時燕刺王

曰謀反將敗死亡象也其月發覺伏辜京

房易傳曰誅不原情厥妖鼠舞門成帝建

卷之三十三

始元年四月辛丑夜西北有如火光壬寅
晨大風從西北起雲氣赤黃四塞天下終
日夜下著地者黃土塵也是歲帝元舅大
司馬大將軍王鳳始用事又封鳳母弟崇
為安成侯食邑萬戶庶弟譚等五人賜爵
關內侯食邑三千戶師古曰譚商音復益封
鳳五千戶悉封譚等為列侯是為五侯哀
帝即位封外屬丁氏傅氏周氏鄭氏凡六

人為列侯

師古曰外戚傳傳太后弟子喜封高武侯
晏封孔鄉侯商封汝昌侯同母弟子鄭業
為陽信侯丁太后兄明封陽安侯子蒲封平周侯傅氏
鄭氏侯者四人丁氏侯者二人今此言六人為列侯其
數是也傅氏丁氏鄭氏則有之而不
見周氏所出志傳不同未詳其意

楊宣對曰五

侯封日天氣赤黃丁傳復然

服虔曰楊宣
諫大夫也

此

殆爵士過制傷亂士氣之祥也京房易傳

曰經稱觀其生

師古曰易觀
卦上九爻辭

言大臣之義當

觀賢人知其性行推而貢之否則為聞善

不與茲謂不知

師古曰徒知之而
已不能進助也

厥異黃厥

咎龍聳厥災不嗣黃者日上黃光不散如火

然有黃濁氣四塞天下蔽賢絕道故災異

至絕世也經曰良馬逐師古曰此易大畜九三爻辭逐進

也言大臣得賢者謀當顯進其人否則為

下相攘善師古曰攘卻也言不進達之也一曰茲

謂盜明厥咎亦不嗣至於身僂家絕師古曰

字 史記周幽王二年周三川皆震應劭曰震

竭也師古曰三川涇渭洛也洛即漆沮也川自震耳故將壅塞非地震也劉向以為金

五行志

木水火土者也伯陽甫曰服虔曰周太史周將亡

矣天地之氣不過其序若過其序民亂之

也陽伏而不能出陰迫而不能升應劭曰迫

不能升也於是地震今三川實震是陽失其

所而填陰也應劭曰失其所失其道也填陰為陰陽

失而在陰原必塞師古曰原謂水泉之本也原塞國必亡

夫水土演而民用也應劭曰演引也所以引出土

無所演而民乏財用不亡何待昔伊雒竭

而夏亡河竭而商亡今周德如二代之季
其原又塞塞必竭川竭山必崩夫國必依
山川出崩川竭亡之徵也若國亡不過十
年數之紀也是歲三川竭岐山崩劉向以
為陽失在陰者謂火氣來前煎枯水故川竭
也山川連體下竭上崩事執然也時幽王
暴虐妄誅伐不聽諫迷於褒姒廢其正后
師古曰褒姒褒人所獻之女也正后申后也蓋白華之詩所為作也廢后之父申侯

五行志

與犬戎共攻殺幽王一曰其在天文水為
辰星辰星為蠻夷月食辰星國以女亡幽
王之敗女亂其內夷攻其外京房易傳曰
君臣相背厥異名水絕師古曰有名之水文公九年
九月癸酉地震劉向以為先是時齊相晉

文魯輦二伯賢君新沒師古曰齊相晉文二伯也魯僖賢君也伯讀曰

周襄王失道師古曰謂避叔帶之難楚穆王

殺父師古曰穆王商臣也殺其父成王也諸侯皆不肖權傾於

大日八

下天戒若曰臣下彊盛者將動為害後宋

魯晉莒鄭陳齊皆殺君師古曰文十六年宋人殺其君杵曰十八年襄

仲殺惡宣二年晉趙盾殺其君夷臯文十八年莒弒其君庶其宣四年鄭公子歸生弒其君夷十年陳夏徵舒

殺其君平國文十八年齊人殺其君商人諸震略皆從董仲舒說也

京房易傳曰臣事雖正專必震其震於水

則波於木則搖於屋則瓦落大經在辟而

易臣茲謂陰動服虔曰經常也辟音刑辟之辟蘇林曰大經五行之常經也在辟衆

陰犯殺其上也師古曰辟讀曰僻謂常法僻壞而易臣也厥震搖政宮大經

二五行志

搖政茲謂不陰厥震搖山山出涌水嗣子

無德專祿茲謂不順厥震動丘陵涌水出

襄公十六年五月甲子地震劉向以為先

是雞澤之會諸侯盟大夫又盟師古曰雞澤衛地也襄三

年公會單子晉侯宋公衛侯鄭伯莒子邾子齊世子光己未同盟于雞澤陳侯使表僑如會戊寅叔孫豹及諸

侯大夫及陳表僑盟也是歲三月諸侯為溴梁之會而

大夫獨相與盟師古曰經書諸大夫盟謂晉宋衛鄭曹莒邾薛杞小邾之大夫五

月地震矣其後崔氏專齊變為亂晉良霄

傾鄭閻殺吳子燕逐其君楚滅陳蔡師古曰崔

氏齊卿崔杼也欒盈晉大夫欒相子之子懷子也二十一年奔楚二十三年復入于晉而作亂良霄鄭大夫伯

有也三十年子哲以駟氏之甲伐而焚之伯有奔靡梁遂奔許晨自墓門之竇入介于襄庫以伐舊北門駟帶

率國人伐之伯有死于羊肆閻守門者也吳子餘祭也吳人伐越獲俘焉以為閻使守舟二十九年餘祭觀舟

閻以刀殺之燕北燕國也昭三年冬燕大夫殺公之昭外嬖公懼奔齊昭八年楚師滅陳十一年楚滅蔡也

昭公十九年五月己卯地震劉向以為是時

季氏將有逐君之變其後宋三臣曹會皆

以地叛師古曰二十年宋華亥向寧華定出奔陳二十一年自陳入于宋南里以叛曹會大夫公

五行志

孫會也二十年自鄭出奔宋穀梁傳曰自鄭者專鄭也鄭會之邑也鄭音莫風反蔡嘗逐其

君吳敗中國殺二君師古曰昭二十一年蔡人信費無極之言出蔡侯朱未出

奔楚二十三年莒子庚輿虐而好劍國人患之秋七月烏存帥國人以逐之庚輿出奔魯戊辰吳敗楚頓胡沈

蔡陳許之師于雞父胡二十三年八月乙未地子髡沈子逞滅是也

震劉向以為是時周景王崩劉單立王子

猛尹氏立子朝師古曰已其後季氏逐昭公

黑肱叛邾師古曰黑肱邾大夫也三十一年吳殺

其君僚師古曰二十七年吳公子光使專設諸抽劍刺王是也宋五大夫晉

二大夫皆以地叛

師古曰定十年宋公之弟辰暨仲它石彊出奔陳十一年春辰

及仲它石彊公子地自陳入于蕭以叛秋宋樂大心哀自曹入于蕭十三年晉荀寅士吉射入朝歌以叛

哀

公三年四月甲午地震劉向以為是時諸

侯皆信邪臣莫能用仲尼盜殺蔡侯齊陳

乞弑君

師古曰哀四年經書盜殺蔡侯申立氏傳曰蔡昭侯將如吳諸大夫恐其又遷也公孫翩

逐而射之入于家人而卒陳乞齊大夫陳僖子也六年乞殺其君余荼景公之子安孺子也荼音大胡反。劉

氏校本云監本越本作人

家非據左氏傳此為是 惠帝二年正月地震

隴西厭四百餘家

師古曰厭音一甲反次下亦同

武帝征和二

五行志

年八月癸亥地震厭殺人宣帝本始四年

四月壬寅地震河南以東四十九郡北海

琅邪壞祖宗廟城郭殺六千餘人元帝永

光三年冬地震綏和二年九月丙辰地震

自京師至北邊郡國三十餘壞城郭凡殺

四百一十五人釐公十四年秋八月辛卯

沙麓崩穀梁傳曰林屬於山曰麓

師古曰屬聯也音之

沙其名也劉向以為臣下背叛散落不

反

欲

事上之象也先是齊桓行伯道會諸侯師

曰伯讀曰霸其下亦同事周室管仲既死桓德日衰天

戒若曰伯道將廢諸侯散落政逮大夫陪

臣執命臣下不事上矣桓公不寤天子蔽

晦師古曰被掩蔽而暗也及齊相死天下散而從楚王

札子殺二大夫師古曰二大夫召伯毛伯也晉敗天子之

師師古曰謂敗之於外戎也巳解於上也莫能征討從是陵遲

公羊以為沙麓河上邑也董仲舒說略同

五行志

一曰河大川象齊大國桓德衰伯道將移

於晉文故河為徙也左氏以為沙麓晉地

沙山名也地震而麓崩不書震舉重者也

伯陽甫所謂國必依山山川山崩川竭亡之

徵也不過十年數之紀也至二十四年晉

懷公殺於高粱師古曰懷公謂子圉惠公之子也文公入國而使殺之高梁晉地

京房易傳曰小人剥廬師古曰剝卦上九爻之辭厥妖山

崩茲謂陰乘陽弱勝彊成公五年夏梁山

崩穀梁傳曰靡河三日不流師古曰靡讀曰靡晉君

帥羣臣而哭之廼流師古曰從伯宗用輦者之言劉向以為

山陽君也水陰民也天戒若曰君道崩壞

下亂百姓將失其所矣哭然後流喪亡象

也梁山在晉地自晉始而及天下也後晉

暴殺三卿厲公以弒師古曰三卿謂卻擘卻錡卻偃又弒厲公事

在成十七年在成十七年溴梁之會天下大夫皆執國

政師古曰已其後孫寤出衛獻師古曰孫孫於父寤寤寤皆寤

五行六

大夫也衛獻公定公之子也名衎獻公戒二子食日豈不召而射鴟於囿二子怒因作亂公如鄆遂出奔齊孫

氏追之敗公徒于河澤事在襄十四年三家逐魯昭單尹亂王室

師古曰並董仲舒說略同劉歆以為梁山晉

望也崩弛崩也師古曰言漸解散也弛音式爾反古者三代

命祀祭不越望吉凶禍福不是過也國主

山川山崩川竭王之徵也美惡周必復師古

曰復音扶目反是歲歲在鶉火至十七年復在鶉

火欒書中行偃殺厲公而立悼公高后二

年正月武都山崩殺七百六十人地震至
八月廼止文帝元年四月齊楚地山二十
九所同日俱大發水潰出劉向以為近水
冷土也天戒若曰勿盛齊楚之君今失制
度將為亂後十六年帝庶兄齊悼惠王之
孫文王則薨無子帝分齊地立悼惠王庶
子六人皆為王師古曰謂齊孝王將閭濟北王志
苗川王賢膠東王雄渠膠西王卬
濟南王賈誼晁錯諫以為違古制恐為亂至
辟光

五行志

景帝二年齊楚七國起兵百餘萬漢皆破
之春秋四國同日災師古曰宋
衛陳鄭漢七國同日
衆山潰咸被其害不畏天威之明效也成
帝河平三年二月丙戌犍為柏江山崩捐
江山崩皆靡江水師古曰靡讀曰
壅次下亦同江水逆流壞
城殺十三人地震積二十一日百二十四
動元延三年正月丙寅蜀郡岷山崩靡江
江水逆流三日廼通劉向以為周時岐山

崩三川竭而幽王亡岐山者周所興也漢家本起於蜀漢今所起之地山崩川竭星孛及攝提大角從參至辰如淳曰孛星尾長及攝提大角始發殆必亡矣其後二世亡嗣王莽篡位傳曰皇之不極是謂不建厥咎眊服虔曰眊音老龍蛇之孽時則有馬禍時則有下人伐上之病時則有日月亂行星辰逆行皇之不

五行志

極是謂不建皇君也極中建立也人君貌言視聽思心五事皆失不得其中則不能立萬事失在眊悖故其咎眊也師古曰眊不明也悖惑也

音布王者自下承天理物雲起於山而彌內反於天師古曰彌滿也天氣亂故其罰常陰也一曰

上失中則下彊盛而蔽君明也易曰亢龍有悔貴而亡位高而亡民賢人在下位而亡輔師古曰乾上九文言也如此則君有南面之尊而

云一人之助故其極弱也盛陽動進輕疾

服虔曰陽行輕且疾也禮春而大射以順陽氣韋昭曰將祭與羣臣

射謂之大射上微弱則下奮動故有射妖易曰雲

從龍師古曰乾上九文言也又曰龍蛇之蟄以存身也

師古曰下繫辭也陰氣動故有龍蛇之孽於易乾為

君為馬馬任用而彊力君氣毀故有馬禍

一曰馬多死及為怪亦是也君亂且弱人

之所叛天之所去不有明王之誅則有篡

五行志

弑之禍故有下人伐上之病凡君道傷者

病天氣不言五行沴天而曰日月亂行星

辰逆行者為若下不敢沴天猶春秋曰王

師敗績于貿戎不言敗之者以自敗為文

尊尊之意也劉歆皇極傳曰有下體生上

之病說以為下人伐上天誅已成不得復

為病云皇極之常陰劉向以為春秋云其

應一曰久陰不雨是也劉歆以為自屬常

陰昭帝元平元年四月崩亡嗣立昌邑王
賀賀即位天陰晝夜不見日月賀欲出光
祿大夫夏彥勝當車諫曰天久陰而不雨
臣下有謀上者陛下欲何之賀怒縛勝以
屬吏師古曰屬委也音之欲反吏白大將軍霍光光時與
車騎將軍張安世謀欲廢賀光讓安世以
為泄語安世實不泄召問勝勝上洪範五
行傳曰皇之不極厥罰常陰時則有下人

五行志

伐上不敢察察言

臣瓚曰不敢察察明言之

故云臣下有

謀光安世讀之大驚以此益重經術士後
數日卒共廢賀此常陰之明效也京房易
傳曰有蜺蒙霧霧上下合也蒙如塵雲蜺
日旁氣也其占曰后妃有專蜺再重赤而
專至衝旱孟康曰專負也若五月再重赤而負至十一月旱也妻不壹順

黑蜺四背又白蜺雙出日中妻以貴高大
茲謂擅陽蜺四方日光不陽解而温

服虔曰蒙氣解

而內取茲謂禽服虔曰人君內淫於骨肉也臣瓚曰人君取於國中也師古曰取如

禮記聚塵之聚瓚說非蜺如禽在日旁以尊降妃茲謂

薄嗣蜺直而塞六辰廼除夜星見而赤韋昭

曰六辰謂從卯至申女不變始茲謂棄夫孟康曰始貴高於夫終行此不變也

蜺白在日側黑蜺果之氣正直師古曰果謂干之也妻

不順正茲謂擅陽蜺中窺貫而外專夫妻

不嚴茲謂媾韋昭曰媾言媾慢也師古曰音先列反蜺與日會

婦人擅國茲謂頃師古曰頃讀曰傾蜺白貫日中赤

五行志

蜺四背服虔曰蜺背日適不荅茲謂不次服虔曰言適妻不見

荅也臣瓚曰夫不接妻為不荅師古曰適讀曰嫡荅報也言妻有承順之心不見報荅也一曰荅對也言不以

恩意接對之蜺直在左蜺交在右取於不專茲謂

危嗣蜺抱日兩未及君淫外茲謂亡蜺氣

左曰交於外取不達茲謂不知蜺白奪明

而大溫溫而兩師古曰取讀曰聚尊卑不別茲謂媾

蜺三出三已三辰除韋昭曰若從寅至辰也蜺旦見西晏則兩除

則日出且兩臣私祿及親茲謂罔辟韋昭曰辟君也

師古曰辟音壁其下並同厥異蒙其蒙先大温已蒙起日不見行善不請於上茲謂作福蒙一日五起五解辟不下謀臣辟異道茲謂不見上蒙下霧風三變而俱解立嗣子疑茲謂動欲蒙赤日不明德不序茲謂不聰蒙日不明温而民病德不試空言祿師古曰試用也茲謂主竊臣天孟康曰謂君情竊用人不以次第為天也師古曰竊音庚蒙起而白君樂逸人茲謂放蒙日青黑雲夾日左右

五行志

前後行過日公不任職茲謂怙祿蒙三日又大風五日蒙不解利邪以食茲謂閉上蒙大起白雲如山行蔽日公懼不言道茲謂閉下蒙大起日不見若雨不雨至十二日解而有天雲蔽日祿生於下茲謂誣君蒙微而小雨已乃大雨下相攘善茲謂盜明蒙黃濁下陳功求於上茲謂不知蒙微而赤風鳴條解復蒙下專刑茲謂分威蒙

而日不得明大臣厭小臣茲謂蔽蒙微日
不明若解不解大風發赤雲起而蔽日眾
不惡惡茲謂閉蒙尊卦用事

房謂之方伯卦震兌坎
離也師古曰孟說是也

三日而起日不見漏言

亡喜茲謂下厝用

師古曰厝音十各反

蒙微日無光有

兩雲雨不降廢忠惑民茲謂亡蒙天先清
而暴蒙微而日不明言逸民茲謂不明蒙
濁奪日光公不任職茲謂不絀蒙白三辰

五行志

止則日青青而寒寒必雨忠臣進善君不

試茲謂遏

師古曰試用也

蒙先小雨兩已蒙起微而

日不明惑眾在位茲謂覆國蒙微而日不

明一溫一寒風揚塵知佞厚之茲謂厚蒙

甚而溫君臣故弼茲謂悖

師古曰弼猶相戾也悖惑也

厥

灾風雨霧風拔木亂五穀已而大霧庶正

蔽惡茲謂生孽灾厥異霧此皆陰雲之類

云嚴公十八年秋有蜮劉向以為為蜮生南

越越地多婦人男女同川淫女為王亂氣
所生故聖人名之曰蜮蜮猶惑也在水旁
能射人射人有處甚者至死師古曰以南方氣射人也
謂之短弧師古曰即射工也亦呼水弩近射妖死亡之象也
時嚴將取齊之淫女故蜮至天戒若曰勿
取齊女將生淫惑篡弒之禍嚴不寤遂取
之入後淫於二叔二叔以死兩子見弒夫
人亦誅師古曰並解於上劉歆以為蜮盛暑所生非

五行志

自越來也京房易傳曰忠臣進善君不試

厥咎國生蜮師古曰試用也史記魯哀公時有隼集

于陳廷而死師古曰隼鷩鳥即今之鳩也說者以為鷩失之矣廷朝廷也鷩字音胡骨反

楛矢貫之應劭曰楛木名師古曰音枯其木堪為箭

也石砮應劭曰砮鏃也音奴又乃互反長尺有咫張晏曰八尺曰咫陳

閔公使使問仲尼師古曰閔公名周懷公之子仲尼曰隼

之來遠矣昔武王克商通道百蠻使各以

方物來貢肅慎貢楛矢臣瓚曰肅慎東北夷石砮長尺

有庾先王分異姓以遠方職使毋忘服師古

曰服事也故分陳以肅慎矢試求之故府果得

之師古曰得昔所分之矢於府藏中劉向以為隼近黑祥貪暴

類也矢貫之近射妖也死於廷國云表也

象陳眊亂不服事周師古曰眊音莫報反而行貪暴將

致遠夷之禍為所滅也是時中國齊晉南

夷吳楚為彊師古曰中國則齊晉為彊南夷則吳楚為彊陳交晉不

親附楚不固數被二國之禍後楚有白公

五行志

之亂師古曰白公楚平王太子建之子勝也建遇讒奔鄭而死勝在吳子西召之使處吳境為白公

吳人伐慎白公敗之請以戰備獻因作亂子西子期皆死事在哀十六年陳乘而侵之

師古曰白公之亂陳人持其聚而侵楚事見哀十七年卒為楚所滅師古曰陳閔公

之二十二年獲麟之歲也其二十四年而為楚所滅史記夏后氏之衰有

二龍止於夏廷而言余喪之二君也師古曰喪古國

名夏帝卜殺之去之止之莫吉卜請其糝

而藏之乃吉應劭曰糝味也鄭氏曰糝音牛齡之齡師古曰去謂驅逐也止謂拘留也

去音丘呂反於是布幣策告之師古曰奠幣為禮讀策辭而告

之也說者以為策者緝米蓋失之矣龍亡而漿在乃匱去之師古曰匱

匱也去藏也匱音讀去音丘呂反其後夏亡傳匱於殷周三

代莫發至厲王末發而觀之漿流于廷不

可除也厲王使婦人羸而諫之應劭曰羸呼

諫音先到反漿化為玄龜韋昭曰玄黑龜蜃蜴也似蛇而有足師古曰龜似鼈而大

非蛇及蜃蜴入後宮處妾遇之而孕師古曰處妾宮中之童女生

子懼而棄之宣王方立女童多言曰厭弧其服

實亡周國服虔曰厭厭桑也師古曰女童謠閭里之童女為歌謠也厭山桑之有黠文者也木

五行志

弓曰弧服盛箭者即今之步叉也其草似荻而細織之為服也厭音一簞反其音基荻音敵後有

夫婦鬻鬻是器者宣王使執而修之師古曰鬻鬻賣也音弋

六反既去見處妾所棄妖子聞其夜號哀而

收之遂亡奔褒後褒人有罪入妖子以贖

是為褒姒幽王見而愛之生子伯服王廢

申后及太子宜咎而立褒姒伯服代之廢

后之父申侯與繒西畎戎共攻殺幽王師古曰

曰畎戎即犬戎亦曰昆夷詩曰赫赫宗周褒姒威之師古曰小雅正

月之詩也赫赫盛貌也宗周鎬京也威滅也音呼悅反

劉向以為夏后季

世周之幽厲比自詩亂逆天

師古曰詩惑也音布內反

故有

龍龜之怪近龍蛇孽也瘞血也一曰沫也

屢弧桑弓也其服蓋以其草為箭服近射

妖也女童多言者禍將生於女國以兵寇云

也師古曰因婦人以致兵寇也

左氏傳昭公十九年龍鬪於

鄭時門之外洧淵

師古曰時門鄭城門也洧泉洧水之泉也洧水出滎陽密縣東

南至潁川長平入潁也

劉向以為近龍孽也鄭以小國

五行志

攝乎晉楚之間

師古曰攝收持也

重以疆兵

師古曰重音直用反

鄭當其衝不能修德將闕三國以自危云

師古曰言若不修德則三國伐之必危云

是時子產任政內惠於民

外善辭令以交三國鄭卒亡患能以德消

變之效也京房易傳曰衆心不安厥妖龍

鬪惠帝二年正月癸酉且有兩龍見於蘭

陵廷東里温陵井中

師古曰蘭陵縣之廷東里也温陵人姓名也

至

乙亥夜去劉向以為龍貴象而困於庶人

大百十九

井中象諸侯將有幽執之禍其後呂太后
 幽殺三趙王諸呂亦終誅滅京房易傳曰
 有德遭害厥妖龍見井中又曰行刑暴惡
 黑龍從井出左氏傳魯嚴公時有內蛇與
 外蛇鬪鄭南門中內蛇死劉向以為近蛇
 孽以先是鄭厲公劫相祭仲而逐兄昭公
 代立師古曰厲公母宋離氏之女也祭仲祭封人仲
 乃與宋盟而立厲公昭昭祭仲曰不立突將死冲
 公奔衛祭音側介反 後厲公出奔昭公復入

五行志

師古曰相十五年厲公與祭仲之婿雍糾謀殺祭仲不
 克五月出奔祭六月昭公復歸于鄭九月厲公殺擅伯
 而居櫟也死弟子儀代立師古曰相十七年高渠彌弑
 齊人殺子亶祭仲乃立豐之弟儀也厲公自外劫大夫傅瑕使倖
 子儀師古曰傅瑕鄭大夫也莊十四年厲公自櫟侵
 也鄭獲傅瑕與之盟於是傅瑕殺子儀而納厲公
 此外蛇殺印蛇之象也蛇死六年而厲

公立嚴公聞之問申繻曰猶有妖乎師古曰申

繻魯大夫也繻音須對曰人之所忌其氣炎以取之師古

曰炎音妖由人興也人亡釁焉妖不自作人

棄常故有妖

師古曰已解於上

京房易傳曰立嗣

子疑厥妖蛇居國門闕左氏傳文公十六

年夏有蛇自泉宮出

師古曰泉宮即泉臺

入于國如

先君之數劉向以為近蛇孽也泉宮在圉

中公母姜氏嘗居之蛇從之出象宮將不

居也詩曰維虺維蛇女子之祥

師古曰小雅斯干之詩

又蛇入國國將有女憂也如先君之數者

公母將薨象也秋公母薨公惡之乃毀泉

五行志

臺夫妖孽應行而自見非見而為害也文

不改行循正共御厥罰

師古曰共讀曰恭御而讀曰禦又讀如本字

而

作非禮以重其過

師古曰重音直用反

後二年薨公子

遂殺文之二子惡視而立宣公

師古曰惡則子亦也視其

母弟文公夫人大歸于齊

師古曰本齊女故出而歸齊所謂哀姜者也

武帝太始四年七月趙有蛇從郭外入與

邑中蛇鬪孝文廟下邑中蛇死後二年秋

有衛太子事事自趙人江充起左氏傳定

公十年宋公子地有白馬駟

師古曰地宋元公

公嬖向魋欲之

師古曰公謂景公即地之兄也魋宋司馬相魋也向音式尚反魋音

大回反

公取而朱其尾鬣

師古曰鬣領上鬣也音力涉反

以予

之地怒使其徒扶魋而奪之

師古曰扶擊也音刃失反魋

懼將走公閉門而泣之目盡腫公弟辰謂

地曰子為君禮不過出竟君必止子

師古曰衣亦元

公子也言若見君怒懼而出奔是為臣之禮也竟讀曰境也

地出奔陳公弗止

辰為之請不聽辰曰是我廷吾兄也

應劭曰廷音目若

一說皆非也廷音九故反師古曰

吾以國人出君

誰與處遂與其徒出奔陳明年俱入于蕭

以叛大為宋患

師古曰蕭宋邑

近馬禍也史記秦孝

公二十一年有馬生人昭王二十年牡馬

生子而死劉向以為皆馬禍也孝公始用

商君攻守之法東侵諸侯至於昭王用兵

彌烈

師古曰烈猛也

其彘將以兵革抗極成功而還

自害也牡馬非生類妄生而死猶秦恃力

彊得天下而還自滅之象也一曰諸畜生非其類子孫必有非其姓者至於始皇果呂不韋子京房易傳曰方伯分威厥妖牡馬生子亡天下諸侯相伐厥妖馬生人文帝十二年有馬生角於吳角在耳前上鄉師古曰鄉讀曰響次不亦同大二寸劉向以為馬不當生角猶吳不當舉兵鄉上也是時吳王濞封有四郡五十

餘城

師古曰高紀云六年春以故東陽郡鄣郡吳郡五十三縣立劉賈為荆王十二年十月詔曰吳

古之建國日者荆王兼有其地今死無後朕欲復立吳王長沙王臣等請立沛侯為吳王而荆燕吳傳云荆王劉賈為黥布所殺無後上患會稽輕悍無壯王填之乃立濞為吳王王三郡五十三城是則濞之所封賈本地也止有三郡荆燕吳傳與紀同矣今此云四郡未詳其說若以賈本不得會稽濞加一郡者則不得言五十三城也內懷驕恣變見於外天戒早矣王不寤

後卒舉兵誅滅京房易傳曰臣易上政不順厥妖馬生角茲謂賢士不足又曰天子親伐馬生角成帝綏和二年二月大廢馬

生角在左耳前圍長各二寸是時王莽為
大司馬害上之萌自此始矣師古曰萌若草木之始生也哀
帝建平二年定襄牡馬生駒三足隨羣飲
食太守以聞馬國之武用三足不任用之
象也後侍中董賢年二十二為大司馬居
上公之位天下不宗哀帝暴崩成帝母王
太后召弟子新都侯王莽入收賢印綬賢
恐自殺莽因代之并誅外家丁傳又廢哀

五行志

帝傳皇后令自殺發掘帝祖母傳太后母

丁太后陵更以庶人葬之辜及至尊大臣

微弱之禍也文公十一年敗狄于鹹師古曰鹹魯地

也穀梁公羊傳曰長狄師古曰防風之後來姓也國號鄭瞞鄭音所求

反瞞音莫干反兄弟三人一者之魯師古曰僑如也來伐魯為叔孫得臣所獲

一者之齊師古曰榮如也齊襄公二年伐齊為王子成父所獲一者之晉師古曰

皆殺之身橫九晦師古曰晦古畝字

斷其首而載之眉見於軾師古曰軾車前橫木何以書

曰焚如也宣十五年晉滅潞國而獲之

記異也劉向以為是時周室衰微三國為
大可責者也天戒若曰不行禮義大為夷
狄之行將致危亡其後三國皆有篡弒之
禍師古曰謂魯文公薨葬仲弒惡及視而立宣公齊連稱管至父弒襄公而立無知晉欒書中行偃弒厲公
而立悼公近下人伐上之病也劉歆以為人變
屬黃祥一曰屬羸蟲之孽一曰天地之性
人為貴凡人為變皆屬皇極下人伐上之
病云京房易傳曰君暴亂疾有道厥妖長

五行志一

狄入國又曰豐其屋下獨苦

師古曰豐其屋易豐卦上六爻辭也

豐大也

長狄生世王虜史記秦始皇帝二十

六年有大人長五丈足履六尺皆夷狄服

凡十二人見于臨洮

師古曰隴西之縣也音吐高反

天戒若曰

勿大為夷狄之行將受其禍是歲始皇初

并六國反喜以為瑞銷天下兵器作金人

十二以象之遂自賢聖燔詩書阮儒士奢

淫暴虐務欲廣地南戍五嶺北築長城以

備胡越

師古曰五嶺解在張耳陳餘傳

斬山填谷西起臨洮

東至遼東徑數千里故大人見於臨洮

禍亂之起後十四年而秦亡亡自戍卒陳

勝發史記魏襄王十三年魏有女子化為

丈夫京房易傳曰女子化為丈夫茲謂陰

昌賤人為王丈夫化為女子茲謂陰勝厥

咎亡一曰男化為女宮刑濫也

如傳曰宮刑之行大濫也

女化為男婦政行也哀帝建平中豫章有

五行志

男子化為女子嫁為人婦生一子長安陳

鳳言此陽變為陰將亡繼嗣自相生之象

一曰嫁為人婦生一子者將復一世乃絕

哀帝建平四年四月山陽方與女子田無

嗇生子

師古曰方與者山陽之縣也女子姓田名無嗇方與音房豫

先未生二

月兒嘔腹中及生不舉葬之陌上三日人

過聞嘍聲母掘收養平帝元始元年二月

朔方廣牧女子趙春病死

師古曰廣牧朔方之縣也姓趙名春

斂

棺積六日

師古曰斂音力瞻反棺音工喚反

出在棺外自言見

夫死父曰年二十七不當死太守譚以聞

京房易傳曰幹父之蠱有子考亡咎

韋昭曰蠱

事也子能正父之事是為有子故考不為各累師古曰易蠱卦初六爻辭也

子三年不改

父道思慕不皇亦重見先人之非

師古曰言父有不善

之事當速改之若唯思慕而已無所變易是重顯无人之非也一曰三年之內但思慕而已不暇見父之非故不改也重

不則為私厥妖人死復生一曰至

陰為陽下人為上六月長安女子有生兒

五行志

兩頭異頸面相鄉四臂共胸俱削鄉

師古曰鄉

讀曰

尻上有目長二寸所京房易傳曰睽

孤見豕負塗

師古曰易睽卦上九爻辭也睽孤乖刺之意也塗泥也睽音苦攜反

厥

妖人生兩頭下相攘善妖亦同人若六畜

首自在下茲謂亡上正將變更凡妖之作

以譴失正各象其類二首下不壹也足多

所任邪也足少下不勝任或不任下也凡

下體生於上不敬也上體生於下媒瀆也

五行志

王莽子

生非其類淫亂也人生而大上速成也生而能言好虛也羣妖推此類不改乃成凶也景帝二年九月膠東下密人年七十餘生角角有毛時膠東膠西濟南齊四王有舉兵反謀謀由吳王濞起連楚趙凡七國下密縣居四齊之中師古曰四齊即上所云膠東膠西濟南齊也本皆齊地故謂之四齊角兵象上鄉者也師古曰鄉讀曰嚮次下亦同老人吳王象也年七十七國象也天戒若曰人

五行志

不當生角猶諸侯不當舉兵以鄉京師也禍從老人人生七國俱敗云諸侯不寤明年吳王先起諸侯從之七國俱滅京房易傳曰冢宰專政厥妖人生角成帝建始三年十月丁未京師相驚言大水至渭水虎上小女陳持弓年九歲師古曰虜上地名也音斯走入橫城門入未央宮尚方掖門殿門門衛戶者莫見至句盾禁中而覺得師古曰句盾少府之署覺得事覺而見執得也

司馬遷

卷之六

十一

王季

民以水相驚者陰氣盛也小女而入宮殿
中者下人將因女寵而居有宮室之象也
名曰持弓有似周家壓弧之祥易曰弧矢
之利以威天下師古曰下繫之辭也是時帝母王太后
弟鳳始為上將秉國政天知其後將威天
下而入宮室故象先見也其後王氏兄弟
父子五侯秉權至莽卒篡天下蓋陳氏之
後云京房易傳曰妖言動眾茲謂不信路

五行志

將亡人司馬死成帝綏和二年八月庚申

鄭通里男子王褒師古曰鄭縣之通里衣絳衣小冠帶

劍入北司馬門殿東門師古曰入北司馬門又入殿之東門也上

前殿入非常室中姪傳曰殿上空名解帷組結佩之

招前殿署長業等曰師古曰組綴類所以係推又垂以為飾也佩帶之

天帝令我居此業等收縛考問褒故公車

大誰卒應劭曰在司馬殿門掌謹呵者也服虔曰衛士之師也著樊噲冠師古曰本誰者主問非

常之人云姓名是誰也而應氏乃以謹諱為義云大誰呵不當厥理後之學者輒改此書誰字為謹違本文矣

大誰本以誰何稱因用名官有大誰長今此卒者長所領士卒也病狂易師古曰謂病狂而變

易其不自知入宮狀下獄死是時王莽為

大司馬哀帝即位莽乞骸骨就第天知其

必不退故囚是而見象也姓名章服甚明

徑上前殿路寢入室取組而佩之稱天帝

命然時人莫察後莽就國天下寃之哀帝

徵莽還京師明年帝崩莽復為大司馬因

是而篡國哀帝建平四年正月民驚走持

五行志

橐或撮一枚如淳曰撮麻幹也師古曰橐禾稈也音工老反撮音鄒又音測九反傳

相付與曰行詔籌道中相過逢多至千數

或被髮徒踐師古曰徒踐謂徒跣也或夜折關或踰牆

入或乘車騎奔馳以置驛傳行經歷郡國

二十六至京師其夏京師郡國民聚會里

巷阡陌設祭張博具師古曰博戲之具。劉氏校本云監本越本阡陌作

伯歌舞祠西王母又傳書曰母告百姓佩

此書者不死不信我言視門樞下當有白

髮

師古曰樞門扇所由開閉者也音昌于反

至秋止是時帝祖母

傅太后驕與政事

師古曰與讀曰祿

故杜鄴對曰春

秋災異以指象為言語壽所以紀數民陰

水類也水以東流為順走而西行反類逆

上象數度放溢妄以相予違忤民心之應

也西王母婦人之稱博奕男子之事於街

巷汙伯明離闌內

師古曰闌門概也音魚列反

與疆外

師古

曰與讀

臨事盤樂炕陽之意白髮衰年之

五行志

象體尊性弱難理易亂門人之所由樞其

要也居人之所由制持其要也其明其甚者

今外家丁傅並侍帷幄布於列位有罪惡

者不坐辜罰亡功能者畢受官爵皇甫三

相詩人所刺春秋所譏云以甚此

師古曰皇甫周卿士

之字也用后嬖寵而處職位詩指象昭昭以覺聖

朝柰何不應後哀帝崩成帝母王太后臨

朝王莽為大司馬誅滅丁傅一曰丁傅所

大司馬

亂者小此異乃王太后莽之應云

右將監本杭本越本及三劉宋祁諸

本參校其有同異並附於古註之下

五行志第七下之上

